

RS i FBiH dostigli isti nivo implementacije imovinskih zakona krajem avgusta

Nivo implementacije imovinskih zakona krajem avgusta je dostigao 88 posto. U Distriktu Brčko riješeno je 96 posto svih zahtjeva za povrat imovine, dok je u Republici Srpskoj (RS) i Federaciji Bosne i Hercegovine (FBiH) taj broj 88 posto.

Od 224 000 zahtjeva za povrat imovine u Bosni i Hercegovini, skoro 197 000 zahtjeva je pozitivno riješeno i kao rezultat toga je uspješan povrat imovine zakonskim prijeratnim vlasnicima.

Ukupno je 46 općina u potpunosti završilo proces povrata imovine vlasnicima. Činjenica da mnoge od ovih 46 općina nemaju nivo implementacije imovinskih zakona od 100 posto uzrokovana je time da negativne odluke ne ulaze u kategoriju završenih slučajeva. Ovih 46 općina sada verifikuje okončanje implementacije imovinskih zakona u skladu sa zakonskim odredbama istaknutim u PLIP-ovim smjernicama za utvrđivanje suštinskog završetka implementacije imovinskih zakona.

Prvi put u avgustu 2003. je postotak završenih slučajeva u Federaciji BiH dosegao isti broj riješenih zahtjeva za povrat imovine u Republici Srpskoj. Implementacija imovinskih zakona u Federaciji je počela osam mjeseci prije nego u Republici Srpskoj.

Organizacije koje nadgledaju implementaciju imovinskih zakona širom BiH pozivaju sve općine koje još nisu završile PLIP proces da udvostruče svoje napore do kraja 2003. godine kako bi suštinski okončale ovaj proces do kraja decembra.